

beschwörung der gicht.

Ich virbeden dir gycht bi der heylgir wandillungin.
vnd bi den heylgin V wunden. vnsers herren iesu
christi vnd bi deme bluode dat gote vyt sinen V
wunden ran vnd bi dem erstin menschin dat got vf
erden. ye gemacht oder ye liz geborren werden. Ich
virbeden dir bi den drin nagelin. de gode ~~odaxye~~
durch sine hende vnd durch sine vuzse wrde ge-
slagen. ich virbeden dir bi den vyer hulden de da
stuonden vf zweyn vuozsin vnd sprachin vys zweyir
muodir libe wer si bede van rechtir lybden vimme
allis dat mogelich is des wulden si in geweren. dat
was Maria godis muodir vnd was iesus christus vnd
was min frauwe sancte Elsebe vnd was myn herre
sancte johannes der deufir. ich virbeden dir bi
dene bebinden vrdeil das got wil gebin ubir mich
vnd ubir alle doden vnd lebenden. ich virbedin dir
bi deme fronen cruce vnsers herren iesu christi da
he de martil ayn leyt. durch mich vnd alle cri-
steneyt. ich virbedin dir bi der gotligir kraft de
da ist in hymil vnd in erden dat du mir godes
knegthe nyt in schades an allen minen glederen an
haubde an hirne an augen an cenden. an armen an
henden. an vingeren an rippen an rucke an lenden
an huffin an beynen an vuozin an cein an aderen
noch an allen. da ich mich mach keren oder wenden.
des helfe mir de godis kraft. und dat heylge graf.
da got selve inne lach. da herbebede allit dat da
was. Pylatus sprach hais du gesugthe odir gegichte?
neyn ich inhan sin nyt. it sy vrauwe oder man der
düse wort ubir yme dreyt der sal sigchir sin dat in
de geychte nummer gelemen kan. Ich geleufe dat keyn
wif noch keyn man. der düse wort ubir sprechen kan.
want der sunder an deme cruce genade gewan. de mach
mich godis knegt N. gesunt an selen und an libe as
Maria was. do si irs lieben kyndis genas. amen.

(hs. zu Göttingen v. 1373. mitgeteilt von Hoffmann.)

erwähnt Schönbach in ZfdM 24 (1880) 188.